

Relatório visita fiscalizaun ba Munisípiu Baucau

I. Introdusaun

Comissão de Saúde, Segurança Social e Igualdade de Género hala'ó vizita fiscalizaun bazeia ba art. 92, art. 95, n.º 3 alínea e), kombinadu ho art. 145 n.º 3) husi Konstituisaun RDTL, no mos bazeia ba art. 35 alínea c), art. 79 alínea f) husi Rejimentu Parlamentu Nasionál.

Vizita ne'e realiza tuir deliberaun Komisaun iha loron 16 novembru 2020, no hetan autorizasaun ho despaxu Prezidente Parlamentu Nasionál datadu 17 novembru 2020, hodi realiza vizita fiscalizaun ba Munisípiu Baucau, inisia iha loron 25 novembru to'ó 27 novembru 2020.

II. Objetivu

Objetivu prinsipal husi fiscalizaun ida ne'emaka atu observa direta, rekolla informasaun relasiona ho servisu Administrasaun Públika, ezekezaun orsamentu no programa anual 2020, ba iha liña ministerial sira ne'ebé tutela iha área juridisau Komisaun F.

III. Área temática Komisaun

Konforme iha aneksu I, Deliberaun Parlamentu Nasionál nú. 2/2018, 27 juñu, hodi konstitui Comissões Especializadas Permanentes no defini área kompeténsia ba Komisaun F:

- a) Saúde;
- b) Seguransa Sosiál;

- c) Labarik, terseira idade no sidadaun portador defisiénsia;
- d) Kombatentes luta ba libertasaun nasional;
- e) Igualdade Jéneru no la diskriminasaun.

IV. Kompozisaun Delegasaun

Deputados no Ekipa Téknika Komisaun Saúde, Seguransa Sósial no Igualdade Jéneru ne'ebé kompoin iha vizita traballu ida ne'e kompostu husi:

Deputados:

1. Noé da Silva Ximenes (Prezidente Komisaun F)
2. Felix da Costa (Vise- Prezidente Komisaun F)
3. Helena Martins Belo (Sekretária Komisaun F)
4. Maria Gorumali Barreto (Membro Komisaun F)
5. Cidália Mesquita Ximenes (Membro Komisaun F)
6. Veneranda Lemos Martins (Membro Komisaun F)
7. Lusía Taeki (Membro Komisaun F)
8. Ernesto Fernandes "DUDU" (Membro Komisaun F)
9. Antonio Maria Nobre Amaral Tilman (Membro Komisaun F)

Técnicos:

10. Marta Corte Real (Analista Orsamentu)
11. Paulo da Costa Nunes (Tékniku)
12. Imelda Osório do Rosário (Assessora)
13. Nazaret A. Gusmão da Silva (Jornalista)

V. Aktividade Realizada

1. Enkontru iha Autoridade Munisípiu Baucau

Iha loron dahuluk aktividade fiskalizasaun, Deputados no Ekipa Téknika Komisaun F realiza sorumutu fiskalizasaun iha Autoridade Munisípiu Baucau. Iha biban ne'e Prezidente Komisaun F esklaresa kona-ba objetivu husi aktividade refere maka hodi rekolla informasaun relasiona ho servisu Administrasaun Públika, Ezekuzaun orsamentu no programa anual 2020 no mos planu no programa anual 2021 kona-ba

servisu iha área Saúde, Seguransa Sosiál no Igualdade Jéneru. Aleinde ne'e relaciona mos ho Assuntu Kombatente Libertasaun Nasionál.

Iha sorumutu ne'e marka prezensa Representante Prezidente Autoridade Munisipál Baucau, Sekretária Autoridade Munisípiu Baucau, Prezidente Konsellu Veteranu Munisípiu, Xefe Servisu Saúde Munisípiu, Diretor Sentru Solidariedade Sosiál, Pontu Fokál Sekretária Estadu Igualdade no Inkluzauun no Diretor Hospital Regional Eduardo Ximenes, iha biban ne'e informasaun ne'ebé relata mai komisaun F maka hanesan tuir mai:

a) Sekretária Autoridade Munisípiu Baucau:

- Perfil Munisípiu Baucau ne'ebé kompostu husi Postu Administrativu 6, Suku 59, Aldeia 281 ho total populasaun hamutuk 184.145 habitantes (Mane=93,098 no Feto=91,047). Total Uma Kain iha 34.575 konforme ficha família benefisiáriu hirak ne'ebé sei iha direitu atu asesu ba Programa Cesta Básica.
- Forsa traballu Autoridade Munisípiu Baucau ho total 457 kompostu husi Funsionáriu Permanente 317 (Nivel Primária= 26 Pessoas; Nivel Pre-sekundária= 20 Pessoas; Sekundária= 165 Pessoas; Diploma 2= 5 Pessoas; Diploma 3= 17 Pessoas; Lisensiatuura= 78 Pessoas; Mestradu= 7 Pessoas) no Funsionáriu Ajente Administrasaun Públika ho kontratadu hamutuk 140 pessoas (Funsionáriu Ajente Administrasaun Públika (AAP) hamutuk 43 Pessoas ne'ebé hetan saláriu husi kategoria Saláriu & Vensimentu, no funsionáriu kazuál hamutuk 97 pessoas ne'ebé hetan saláriu husi kategoria Bens & Serviços).
- Ezekuzaun OGE 2020 to'o outubru 2020 husi kategoria Saláriu & Vensimentu: atinji ona 76.05%, Bens & Servisu: atinji ona 72,25% no Transferénsia Públika: atinji ona 65.70%.
- Iha aumentu ba OGE 2021 ba US \$5,702.032 ho alokasaun ba kategoria ekonomika 5 hanesan:
 - Saláriu & Vensimentu: US \$1,429.474 destinadu ba pagamentu funsionáriu autoridade munisípiu Baucau sira.

- Bens & Servisu: US \$1,148.150 destinadu ba autoridade munisípiu Baucau no mos ba Postu Administrativu 6 ba assistensia tekniku no manutensaun edifisiu.
- Transferénsia Públika: US \$2,214.111 destinadu ba Direksaun 2- Diresaun Sekretariadu Autoridade Munisipál ba servisu operacional no mos ba Diresaun Munisipál Edukasaun ba programa merenda eskolar.
- Capital Menor: US \$255.450 destinadu ba akizisaun *laptop* 6, *sound system* no motorizada ba nível munisipál to'o postu administrativu.
- Capital Desenvolvimentu: US \$654.847 destinadu ba projetu 7 inklui konstrusaun Moru haleu Merkadu Munisipál- Tunau ba Baucau Seguru no Merkadu Seguru.

i) Servisu Munisipál Saúde iha:

a) Rekursu Humanu:

- Total rekursu humanu 283 (Mane= 223 no Feto=60) kompostu husi Médika(u) Jerál iha 83; Enfermeira(u) 79; Parteira 60; Farmasista 18; Analista 9; Nutrisionista 2; Saúde Ambiental 2; Dentista 7; Asistente Enfermeira(u) 21; Tékniku Elektroniku Medikal 1 no Radiolójista 1.
- Liu husi polítika Ministeriu Saúde nian Rejime Internatu, iha 2018 hapara kontratu ne'ebé halo ho pessoal saúde sira iha 2017. Nune'e iha reduzaun ba número profissionais saúde iha 2018 kompara ho tinan 2017.

b) Fasilidade Saúde:

- Iha Munisípiu Baucau iha estabelesimentu Hospital Rejional 1, Postu Saúde 28, Sentru Saúde 9 (Sentru Saúde ho Nível 1= 3, Sentru Saúde ho Nível 2= 5 no Sentru Saúde ho Nível 3= 1), klínika móvel 17, Postu *Outreach* 4 no Postu atendimento SSKA 60.
- Sentru Saúde Vemasse seidak iha maternidade, maibé provisoriamente uza estabelesimentu Postu antigu hodi atende inan sira ne'ebé atu partus, no mos halo atendimento ba kuidadu ante-natal. Ministériu Saúde liu husi koordensaun ho Administrador Postu Vemasse halo ona levantamentu ba terenu foun atu harii futuru Sentru Saúde Vemasse foun ho motivu

kondisaun asesu ba estrada bo'ot ho distansia ne'ebé dok, falta sala maternidade no mos falta de residencia ba pessoal saúde.

- Estabelesimentu Sentru no Postu Saúde ne'ebé konstrui hahu husi tinan 2015 laiha mobiliariu ho ekipamentos médicos ne'ebé atu assegura prontidaun facilidade atu halo atendimentu ba pacientes.

c) Transporte:

Total ambulánsia multi-funsaun 9; viatura operacional 5 (1 maka iha kondisaun a'at no fila ona ba patrimóniu estadu) no motorizadas 154 ne'ebé koloka iha servisu munisipál saúde, Sentru saúde no postu saúde sira.

d) Subsídium COVID-19:

Liu husi apoiu parseiru internasionál, profissional saúde sira hetan treinamentu konaba matéria COVID-19.

Profissional saúde hotu-hotu ne'ebé apoiu nu'udar *frontliners* durante situasaun Estadu Emerjénsia hodi hala'o vijilánsia epidemiolójika hetan ona pagamentu ba subsídium ne'ebé sira iha direitu ho proporsaun tuir loron ne'ebé sira servisu.

ii) Servisu Munisipál Asaun Sosiál no Jestaun Dezastre Naturais:

- Transporta mate-isin/mate-ruin no fornese kaixaun ba kbiit laek ne'ebé kobre Postu Administrativu 6 tuir pedidu ne'ebé rejistu.
- Rekolla dados vítimas desastres naturais. Ba tipu dezastre hanesan anin sobu, mota sobu, ahi han, ho rai halai ka rai monu liu husi verifikasaun dados no halo atendimentu urjente.

b) Prezidente Konsellu Veteranu Munisípiu:

- Iha pessoál hamutuk 5 maka servisu iha Konsellu Veteranu Munisípiu.
- Presiza tau importánsia atu kria fatin hodi haloot restos mortais 499 ne'ebé oras ne'e iha hela Dubuai. Tuir Timor nian kultura loron-loron família sira sempre hatur/se'e hahan liu husi kontribuisaun osan husi família sira.
- Presiza tau importánsia atu haloot restos mortais 600 resin ne'ebé iha hela Tutugua, no mos iha Fatumaka.

- Total veteranu dezmobilizadu 20-24 anos husi Munisípiu Baucau hamutuk 30 veteranos. Ba faze dahuluk pagamentu ba subsídiu US \$40,000.00 sei atribui ba veteranu na'in 10. Iha ona disponibilizasaun 50 hectares ba konstrusaun.
- Iha ona planu no desizaun atu harii edifisiu ba Konsellu Veteranu Munisípiu.
- Iha limitasaun ba ambulánsia hodi transporta mate isin/ruin ne'ebé dala barak tula de'it ho motor. Rekomenda atu disponibiliza kareta 3 ba área Ponta Leste hodi bele fasilita transporte ba munisípiu Baucau, Lospalos no Viqueque.
- Iha OGE 2021 iha ona orsamentu ba rehabilitasaun osuáriu ne'ebé iha ona.
- Aplika rejime espésial ba heróis no mártires sira nian oan ba bolsa anual ne'ebé Governu fornese atu asesu ba UNTL. Husu atu elimina kritériu ingresu, atu nune'e fó duni valorizasaun no rekoñesimentu ba sira nian kontribuisaun iha luta ba libertasaun nasional.

c) Xefe Servisu Saúde Munisipál:

- Husu ba Ministériu Saúde bainhira estabelese no entrega Postu Saúde presiza disponibiliza ekipamentu no mobiliáriu sira. Realidade ne'ebé maka iha depois de 2015 iha de'it entrega ba edifisiu no laiha sasan ne'ebé nesesáriu ba funsionamentu facilidade saúde sira.
- Iha estadu emerjénsia dahuluk área saúde enfrenta difikuldade barak liu-liu relasiona ho limitasaun ba movimentasaun.
- Prontidaun pessoal saúde seidak máximu no atinji de'it persentajem 60%. Programa SISCA atinji 73%, ho razaun fulan 3 primeiru depois de Timor- Leste detekta pasiente positivu ba COVID-19, laiha atendimento ba programa refere.
- Iha Munisípiu Baucau regista 2.9% *stock out* ba aimoruk ne'ebé presiza atu reforsa liu tan iha parte supervisaun no monitorizasaun nian.

d) Diretor Sentru Solidariedade Sosiál:

- Reclamantes ba subsídiu uma kain \$100 hamutuk 318 famílias. Prosesu pagamentu ba reclamantes hahu hala'o ohin lora 26 novembru, no ba 835 famílias sei halo pagamentu iha dezembru 2020.
- Aleinde entrega viatura funeráriu, kaixaun, apoiu alimentar hodi ajuda orfanatos, uza mos adiantamentu ou *petty cash* hodi exekuta osan ho montante US \$11.000,00.
- Asisténsia sosial ba desastres naturais no kaixaun iha OGE 2020 ho total US \$32,000.00.

- Hala'os mos aksaun sosializasaun kona-ba COVID-19 ba ema ho defisiénsia liu husi kolaborasaun ho parseiru desenvolvimentu World Vision.
- Halo mos sosializasaun kona-ba sistema kontribuisaun lei seguransa sosiál.
- Tuir dados ne'ebé rekolla husi 2016-2020 kazu violénsia hasoru Feto no Labarik Feto hamutuk 114, iha ne'ebé 51 regista hanesan tipu violénsia ho forma oin-oin hasoru Labarik Feto.

e) Pontu Fokal SEII:

- Ponto fokál SEII destaka no servisu direta iha munisípiu Baucau. Iha trimestre primeiru no terseiru 2020, la-hetan alokasaun orsamentu ba aktividade SEII. Nu'udar pontu fokál iha dever atu submete regular relatóriu 4 tuir kada trimestre.
- Ba 2020 iha submisaun proposta rotativa 3 atu apoiu ba programa hakbi'it feto iha ekonomia. Agora iha ona prosesu formal nian laran no haruka ona ba nasional atu procede ba faze tuir mai.
- Husi janeiru to'o outubru 2020 regista total 114 kazu violénsia (violénsia fisíku 91, violénsia sexual 20, violénsia psikolojika 1 no violénsia ekonomika 2). Kauza maioria husi violénsia hirak ne'e maka husi uza média sosiál.
- Ho prezensa pontu fokál 1 de'it difisil atu halo kobertura ba servisu advokasia nian tanba área kobertura ne'ebé bo'ot.
- Pontu fokál laiha kompeténsia atu avalia planu asaun anual husi Diretor sira iha Munisípiu.

f) Diretor Hospital Rejional Eduardo Ximenes (HOREX):

- Iha 2020, Horex enfrenta desafiu barak tebes relasiona ho operasaun servisu iha fulan barak ne'ebé lao de'it ho orsamentu duodesimu.
- Problema bee mós ne'ebé suporta husi Servisu Água no Saneamentu. Husu atu halo ligasaun ketak entre hospital rejional no comunidade.
- Transporte operacional hamutuk 2 maibé agora dadaun 1 de'it maka halo operasaun, ho razauun 1 a'at hela no seidak lori ba manutensaun no para hela iha hospital tuan. No iha ambulánsia 1 de'it maka agora fasilita servisu iha Horex.
- Ekipamentu ne'ebé menus hanesan ekipamentu kardiaku, inkubator (maibé agora dadaun uza hela ida ne'ebé suporta husi parseiru desenvolvimentu Correia) no ekipamentu

laboratóriu hanesan reagente ne'ebé laiha no obriga kuarta-feira kada semana tenki lori ba Hospital Nasionál Guido Valadares hodi halo análize ba raan.

- Ace no kama pasiente maioria laiha ona kondisaun no presiza atu troka ka tau foun.
- Konsekuénsia husi *stock out* ne'ebé a'as rezulta transferénsia regular pacientes ba Díli.
- Falta rekursu humanu espesialista iha área pediatria, kardiolojia, tiroide, kankru próstata, kankru susun nsst.
- Husu atu rezolve asuntu kona-ba *Dr. Metan* tanba veteranu sira rekomenda no iha konfiansa ba tratamentu sira nian problemas saúde.
- Iha problema ho kombustível ba funcionamentu jeradór.

2. Vizita Hospital Rejional Eduardo Ximenes- Baucau

Hafoin remata enkontru fiskalizasaun iha Autoridade Munisípiu Baucau, Ekipa Komisaun F kontinua kedas hala'o vizita fiskalizasaun ba iha Hospital Rejional Eduardo Ximenes (HOREX).

- Sala rejistu: arkivu fatin la suficiente no dokumentu hanesan *client status*, ne'ebé kontén informasaun pasiente nian tau de'it iha koredór. Espasu ne'e presiza atu halo alargamentu no mos kria kondisaun ne'ebé diak atu dokumentu sira bele preserva ho di'ak.

- Sala konsulta jerál: espasu klot, no aleinde ne'e iha sala refere akomoda pasiente 3 no doutor 3 dala ida.

- Sala laboratóriu: ace la funciona, reagente ba análize raan laiha no mákina ba teste raan *Mindray* ne'ebé avaria. Iha nesiedade HOREX kada kuarta-feira transporta sample raan sira ba Díli- Hospital Guido Valadares. Maibé, bainhira laiha transporte operacional disponível difikulta prosesu transporte refere. Iha estajiáriu husi ensinu universitáriu 14 pessoas.

- Menus *stock* raan, no difikulta tebes bainhira pasiente ida mai husi do'ok no akompaña de'it membru família 1, no la kompatível ho pasiente. Bainhira orsamentu jerál estadu lao normal, laiha problema tanba kada trimestre iha programa rekolla raan iha PNTL, FDTL no eskola sira maibé presiza fornese ba doador sira be'e, susuben no mantolun. Ho orsamentu DOT alternativa dahuluk maka família sira sai doador no alternativa daruak maka haruka karta ba PNTL no FDTL hodi husu ajuda.

- Sala dentária: presiza pessoal ida atu bele jere *stock in* no *stock out*. Dalaruma material ne'ebé atu expire ona maka haruka mai. Dalaruma mos la submete pedidu maibé husi nasional haruka de'it ekipamentu sira atu rai iha ne'e sem nesiedade.
- Laiha residencia ba profissional saúde sira.
- Laiha transporte operacional suficiente ba apoia aktividade.
- Problema bee ne'ebé presiza de'it US \$200 atu halo manutensaun. Volume bee ne'ebé ki'ik difikulta tebes bainhira iha pasiente barak maka halo operasaun.
- Problema kombustível ba jeradór.
- Incinerador (fatin sunu lixu médiku) ne'ebé lori ba foun maibé seidak uza to'o agora atu bele sunu lixu médiku hanesan, daun, seringa, luvas, nsst.
- Iha sala pediatria moras pneumonia maka'as liu no laiha problema ho *stock* antibiótiku.
- Kestaun barata ne'ebé levanta bebeik ona maibé seidak resolve to'o agora.
- Sala farmasia: aimoruk iha fatin tuir temperatura ne'ebé rekomendável. Jestaun tuir pedidu ne'ebé simu. Iha tipu pedidu ba fulan 3, fulan 6, pedidu emergencia no pedidu kompras. Dalaruma hasoru problema iha kompra nian tanba ho montante ne'ebé kiik US \$500. Aimoruk ho kategoria 10 "*besar*", lora ida sai 100 maka hanesan antibiotiku: *injection, amoxilin, multi-vitamin, paracetamol, ibuprofen, ampicillin & ceftriaxone*. Ace ne'ebé avaria informa ona maibé seidak haruka karta formal.
- Sala koziña: gás jeleira nian ne'ebé menus no chaminé ne'ebé a'at presiza tau atensaun.
- Pagamentu subsídiu COVID-19 ba pessoal non medikal seidak simu. Pessoal hirak ne'e hetan ona konfirmasaun husi Ministra Saúde katak sei halo pagamentu tanba prosesu rekolla dados kompleta ona.

3. Visita Sentru Saúde- Laga

Iha aktividade fiskalizaun ne'e, Komisaun F no komitiva hala'o vizita traballu ba Sentru Saúde- Laga, iha visita ne'e informasaun ne'ebé rekolla maka hanesan tuir mai:

- Profissionais saúde: médica(u) 4, enfermeira(u) 4, parteira 3, técnico laboratório 1, farmacista 1 no segurança 1.
- Maioria profissionais saúde ho naturalidade município Baucau no laia residência ba sira.
- Iha fulan setembru hetan ona ambulância multi-funsaun 1. Nafatin iha problema ho transporte tanba limitadu no afeta tebes atu atende transferência paciente.
- Problema bee, ventoinha no lampu sira barak maka a'at hotu ona.
- Falta material hanesan tesoura, *tensimeter*, *termometer*, *autoclave*, *dopler no perlak/oliadu* ne'ebé uza dezde tempu indonesia to'o agora.
- Problema falta rekursu humanu obriga pessoal saúde 1 halo *piket* to'o 24 oras iha maternidade bainhira iha número a'as ba paciente ne'ebé atu partus.
- Tinan 1 ona maka kondisaun haris fatin iha sala maternidade a'at, no seidak hetan manutensaun maske hato'o ona ba ministériu relevante. Dalaruma pessoal saúde sira maka hamos bainhira paciente nia família sira la kolabora atu hamos.
- Iha ekipamentu hanesan kama no máquina ne'ebé lori husi nasional no rai hela iha ne'e maibé la uza.
- Espasu *loket* ne'ebé hamutuk ho fatin arkivu ne'ebé klot. Kada loron paciente máximo 70-80 no mínimo 30-40.
- Sala farmácia iha pessoal 1 de'it, no bainhira pessoal ne'e foti lisensa anual sala refere taka.

4. Vizita restos mortais- Laga

Ekipa Komisaun F hala'o vizita ba fatin ne'ebé rai restos mortais hodi haree direta. Husi oportunidade ne'e simu rekomendasaun hanesan tuir mai: husu Governu atu bele prepara fatin hodi bele haloot 452 restos mortais tanba kondisaun bandeira no tais sira balun hetan ona estragos. Ita nian herói no heroína sira prezisa fatin ne'ebé dignu atu bele fó valor ba sira nian luta ba libertasaun pátria.

5. Vizita Postu Saúde Abafala- Quelicai

Ba aktividade fiskalizasaun ne'e, Komisaun F hala'o vizita traballu ba iha Postu Saúde Abafala- Quelicai, husi visita ne'e informasaun ne'ebé rekolla maka hanesan:

- Kada loron pasiente máximu mais 20 no mínimu menus husi 10.
- Problema bee: maske iha depositu maibé tanba kestaun orsamentu laiha, la possível atu bele sosa bee ho presu US \$50.
- Moras ne'ebé ho taxa a'as maka *ispa* no iha tempu udan identifika pacientes barak liu maka kabun moras no konstipasaun.
- Problema ho transporte pacientes tanba laiha ambulánsia.
- Problema infraestrutura ne'ebé laiha moru halo animal sira tama halo foer no pessoal saúde sira maka tem que hamos tanba laiha pessoál limpeza.

6. Vizita Sentru Saúde- Quelicai

Ba aktividade fiskalizasaun ne'e, Komisaun F hala'o vizita traballu ba iha Sentru Saúde- Quelicai, husi visita ne'e informasaun ne'ebé rekolla maka hanesan:

- Iha Postu Administrativu-Quelicai iha facilidade saúde hamutuk 6 kompostu husi Sentru Saúde 1 no Posto Saúde 5 (Macalaco, Lelalai, Laisorulai, Abafala no Afaça).
- Perfil profissional saúde iha Postu Administrativu-Quelicai hamutuk kompostu husi médika(u) 7, enfermeira(u) 10, parteira 9 no tekniku aliados 8.
- Entrega Sentru saúde foun iha 2017 maibé kondisaun la favorável.
- Laiha *tensimeter* no *stetoscop*.
- Kada loron pasiente máximu 100 no mínimu menus 20 pasiente.
- Problema be'e: kanalizasaun halo ona no hein de'it kompañia atu entrega ofisial ba Sentru saúde atu bele uza.
- Uza *triplek* maka akomoda sala maternidade, la prenxe *standard* atu halo atendimentu tanba *dopler* no oxigénio sira la fursiona.

- Laiha pessoál limpeza atu halo servisu no pessoal saúde sira maka halo mos knar ida ne'e.
- Agora dadaun iha kazu tuberkuloze aktivu hamutuk 3, no tuir hela tratamentu hemu aimoruk programa. Iha kazu HIV 1 ne'ebé relata. Iha fulan outubru hetan kazu 2 mal-nutrisaun no agora dadaun tuir hela prosesu akonsellamentu konaba alimentasaun.
- Iha sala farmasia laiha *stock out* maibé laiha ace/ventoiña hodi bele konserva aimoruk sira ho di'ak atu bele garante qualidade ba aimoruk. Laiha jeleira. Laiha armariu atu bele rai aimoruk no rai de'it iha rai.
- Presiza tan ambulánsia atu bele fasilita transporta pacientes, agora iha de'it ambulánsia multi-funsaun 1 tanba ambulánsia tuan nia kondisaun a'at ona.
- Husu atu eleva sentru saúde nian kapasidade bazeia ba número suku ne'ebé existe iha postu administrativu-Quelicaí.

7. Vizita Postu Saúde- Laisorulai

Iha aktividade vizita fiskalizasaun ne'e, Komisaun F rekolla informasaun hanesan tuir mai:

- Iha profissionais saúde kompostu husi médiku jeral 1, parteira 1, enfermeira 1 no asistente enfermeiru 1.
- Ho número profissionais saúde ne'ebé limitadu halo mos atendimento ba pacientes husi Ossú-Samorogo, Venilale no Uatulari-Makadiki.
- Problema bee ne'ebé iha tempu bailoron difisil tebes.
- Iha sala konsulta jerál: presiza troka colchão ne'ebé a'at ona. Iha mos *medical kit* ne'ebé ho kondisaun ferrugem.
- Laiha fatin armazen no sasan hirak ne'ebé tuir lolos rai iha armazen akomoda fali iha sala farmásia.
- Iha kama balun ne'ebé foin uza de'it tinan 3 maibé hetan ona estragos.
- Presiza estabelesimentu residencia ba pessoal saúde tanba difikulta servisu. Médiku hela iha Baucau maka halo deslokasaun lora-lora hodi halo servisu iha postu saúde refere.

- Bainhira iha tempu bazar tersa & sexta-feira: máximu paciente mais de 10 no mínimo menus husi 8.
- Animal tama no halo foer iha área postu saúde tanba laiha moru proteksaun. Laiha pessoál limpeza, no pessoal saúde sira maka halo servisu limpeza.
- Bainhira tempu udan difikulta tebes asesu ba postu saúde tanba laiha estrada atu asesu.
- Laiha ambulánsia atu transporta paciente no dalaruma tula deit ho *truck*.
- Laiha motorizada atu fasilita profissional saúde sira nian servisu.
- Aumenta pessoal rekursu humanu no mos eleva kapasidade ba Sentru saúde.

8. Vizita restos mortais- Dubuai

Iha aktividade fiskalizasaun ne'e, Komisaun F hala'o vizita traballu mos fatin ne'ebé rai restos mortais iha Dubuai. Uma ne'ebé oras ne'e dadaun tau restos mortais harii emerjénsia iha 2014, voluntariamente husi famílias. Kondisaun fatin ne'ebé ladiak hodi estraga tais no bandeira sira no bele mos monu bainhira akontese anin bo'ot. Total restos mortais ne'ebé rekolla ona hamutuk 499 kompostu husi militar no sívil. Governu destaka ona segurança na'in 2, maibé presiza mos tau atensaun tanba família sira sempre hatur/se'e hahan tuir kultura Timor nian.

9. Vizita Sentru Saúde- Bucoli

Iha aktividade vizita fiskalizasaun ne'e, Komisaun F rekolla informasaun hanesan tuir mai:

Asuntu COVID-19

- Sentru Saúde ne'e iha fatin triajem ba paciente sira ne'ebé atu mai halo tratamentu ba sira nia moras.
- Pessoál saúde sira prepara meza hodi halo rejistu ba paciente sira no halo *screening* hodia koko temperatura korporal.
- Prepara aimoruk iha entrada. Paciente ne'ebé tama mai laran uniku paciente ne'ebé atu hetan vasina no konsulta ANC (*ante natal care*).
- Paciente seluk halo konsulta bazeia ba fatin ne'ebé preparadu ona.

Informasaun Sentru Saúde- Bucoli

- Sentru Saúde Bucoli: área kobertura atendimentu ba suku rua, Suku Bucoli no Suku Triloka, maibé halo mos atendimentu ba pasiente sira husi suku seluk ne'ebé pertense iha área postu administrativo-Vemase.
- Rekursu Humanu: total ema na'in 12 kompostu husi Médika(u) 4, Enfermeira(u) 4, Parteira 1 no tékniku aliados 3.
- Sentru Saúde Bucoli laiha farmasia durante tinan ida ona.
- Total hamutuk 5.029 habitantes ne'ebé sai alvu ba servisu Sentru Saúde Bucoli.
- Normalmente simu pasiente na'in 15 to'o 20 loron-loron.
- Inan isin-rua ne'ebé partus iha Sentru Saúde Bucoli hetan atendimentu direta husi médiku sira tanba falta pessoál parteira. Problema maternidade ne'ebé akontese maka inan isin rua enfrenta hemorragia no mal-nutrisaun. Durante rejime duodésimu inan isin-rua sira la-hetan aihan suplementu ba mal-nutrisaun ka pakote *Planpinat*.
- Bolsa informasaun ba inan isin rua sira la lao tanba parteira destakada 1 de'it. Mediku sira maka apoiu fó partus. Inan isin rua hirak ne'ebé partus de'it iha uma, profissional saúde la bele ba halo vizita tanba menus rekursu humanu no fó impaktu ba inan-sira lakon akonsellamentu relaciona ho *amamentação exclusiva/ASI Eksklusif* no seluk-seluk tan.
- Iha tinan 2020 rejista bebé 1maka mate, tanba mai tarde Sentru Saúde.
- Programa SISCA no *mobile* klínika kontinua realiza iha área kobertura Sentru Saúde Bucoli tuir planu ne'ebé estabesele ona.
- Pessoál saúde sira nono de'it bee manas hodi esteriliza equipamentos médicos ne'ebé uza hodi atende inan partus sira tanba mákina *autoclave* laiha kondisaun.
- Iha kama 4 ba pasientes ambulatorios, iha kama 5 iha sala maternidade no kama ba partus nian iha 2.
- Sala maternidade la seguru ba pasiente sira tanba uza deit kortina hodi halo separasaun ba fatin.
- Oxigénio total iha 4, kompostu husi kiik 2 no bo'ot 2.
- Servisu farmasia: durante ne'e médiku sira maka ezerse hela funsaun farmasista. *Stock* aimoruk suficiente ba pasiente sira.
- Kazu malária laiha rejistu. Iha rejistu ba kazu dengue no refere ona ba iha hospital hodi halo tratamentu.

- Rekursu humanu ba laboratóriu no pessoál limpeza laiha.

10. Vizita Sentru Saúde- Vemasse

- Rekursu Humanu: iha Médika(u) 4, Enfermeira(u) 4, Parteira 4 no Voluntáriu 1.

- Laiha armazen atu rai equipamentos lojística.

- Ambulánsia multi-funsaun laiha kondisaun ne'ebé diak tanba falta manutensaun no dalaruma pasiente transporta deit ho *microlet*.

- Hamutuk 5,000 habitantes. Sentru Saúde Vemasse kobre atendimentu saúde ba populasaun suku 3 hanesan Vemase-Tasi, Caicua no Uaigae. No Sentru Saúde Ossoqueli kobre atendimentu saúde ba populasaun suku 4 hanesan Uatu-Lari, Loilubu, Ossoala no Ostico. Iha mos Postu Saúde ida iha suku Uaigae.

- Fatin ba maternidade: uza edifísiu ne'ebé harii iha tempu Português ho razaun fatin iha Sentru Saúde la permite halo atendimentu.

- Laiha fatin ne'ebé apropriadu atu akomoda pasiente sira ne'ebé atu hetan tratamentu emerjénsia.

- Fatin ba triajen iha maibé anin sobu ona tenda no lona iha kondisaun a'at.

- Iha sala emerjénsia iha kama 1 deit, bainhira iha pasiente liu-husi número ne'e, halo deit tratamentu iha koredór.

- Tratamentu ba IMCI (*Integrated Management of Childhood Illness*) hamutuk ho moras Tuberkuloze. Ida ne'e perigozu tebes ba labarik sira nian saúde.

- Laboratóriu nian kondisaun klot no laiha ventoiña.

- Pasientes mal-nutrisaun ne'ebé Sentru Saúde labele atende ho sintomas komplikadu refere ba Hospital Rejional Eduardu Ximenes (HOREX). No prosesu kontinuasaun ka *follow-up* ba tratamentu halao iha Sentru Saúde Vemasse.

IV. Konkluzau

Durante hala'o vizita fiskalizasaun, tuir observasaun no informasaun ne'ebé hetan asesu, Komisaun halo konkluzau hanesan tuir mai:

1. Area Saúde

a) Falta Rekursu Umanu iha Hospital Rejional, Sentru Saúde, no Postu Saúde sira iha Munisípiu Baucau, Postu Administrativu Laga, Postu Administrativu Quelicai no Postu

Administrativu Vemasse ne'ebé difikulta tebes atendimentu ba comunidade iha área urbana no mos remotas.

- b) Iha facilidade saúde sira menus equipamentos médicos atu apoiu servisu profissionais saúde.
- c) Problema bee ba facilidade saúde, solusaun ne'ebé foti maka taka avisu hodi husu paciente sira atu lori rasik bee husi uma bainhira ba facilidade saúde sira.
- d) Laiha residencia ba pessoal Saúde no situasaun ida ne'e obriga loron-loron halo deslokasaun ho distansia ne'ebé dok entre residencia pessoal saúde no facilidade saúde.
- e) Postu Saúde Laisorulai frekuentemente halo atendimentu mos ba comunidade husi munisípiu Viqueque tanba lokaliza iha área fronteira ho Quelicai hanesan Venilale, Ossu no Uatulari.
- f) Sentru Saúde Bucoli: esteriliza equipamentos médicos ne'ebé atende pacientes partus ho prosedimentu manual ka nono bee manas
- g) Sentru Saúde Bucoli: identifika problema mal-nutrisaun ne'ebé inan isin-rua sira hasoru maibé la-hetan asesu ba aihan suplementu ba mal-nutrisaun ka pakote *Planpinat*.
- h) Sentru Saúde Vemasse: fatin triajen ne'ebé anin sobu ona tenda no lona ne'ebé iha kondisaun a'at.
- i) Sentru Saúde Vemasse: paciente ho moras tuberkuloze halo tratamentu hamutuk ho tratamentu ba IMCI (*Integrated Management of Childhood Illness*).
- j) Menus atensaun ba reagentes (laiha reajente) no makina *mindray* (ne'ebé a'at hela) ba teste raan nian iha HOREX. Difikulta kapasidade resposta ba resultadu análise raan.
- k) Facilidades saúde sira laiha kondisaun básika hanesan bee, ambulásia, infraestrutura ne'ebé adekuaudu.
- l) Ho ezekezaun orsamentu DOT difikulta atendimentu ba nesesidade no eziyénsia hotu.

2. Ministériu Assuntu Kombatente Libertasaun Nasionál

Restos mortais barak maka rekolla ona maibé seidak iha fatin ne'ebé dignu hodi haloot.

V. Rekomendasaun

1. Ministériu Saúde

- a) Rekomenda atu eleva kapasidade Postu Saúde Laisorulai ba Sentru Saúde. Postu Saúde refere halo mos atendimentu ba pacientes ne'ebé mai husi Postu Administrativu Venilale, Ossú no Uatulari.
- b) Rekomenda halo konstrusaun moru protesaun ba Postu Saúde Abafala- Quelicai no Postu Saúde Laisorulai- Quelicai.
- c) Rekomenda atu harii tan Sentru Saúde iha postu administrativu-Quelicai tanba representa metade populasaun husi munisípiu Baucau.
- d) Rekomenda atu Ministériu Saúde aselera konstrusaun residencia ba profissional saúde nune'e bele maximiza liu tan empenhamentu no prontidaun ba servisu.
- e) Presiza tau atensaun ba infraestruturá no kondisaun facilidade saúde sira atu nune'e pasiente sira sente seguru bainhira hakbesik a'an ba facilidade sira ne'e.
- f) Presiza resolve kestaun bee ne'ebé nu'udar problema dezde husi hospital rejional to'o postu saúde sira.
- g) Ba HOREX presiza atu halo manutensaun ace ba sala laboratóriu, aselera akizisaun ba reagentes, manutensaun ba mákina *mindray* atu bele aselera kapasidade resposta ba teste raan ne'ebé presiza efektua.
- h) Husu atu aselera pagamentu subsídiu COVID-19 ba pessoal non medikal ne'ebé seidauk simu iha HOREX.
- i) Presiza disponibiliza mákina *autoclave* ne'ebé ho kondisaun di'ak atu bele assegura qualidade esterilizaun ba equipamentos médicos ba Sentru Saúde- Bucoli.
- j) Presiza disponibiliza aihan suplementu ba mal-nutrisaun atu inan isin-rua sira hetan asesu iha Sentru Saúde- Bucoli.
- k) Presiza sala própriu ba tratamentu pasiente ho moras tuberkuloze no IMCI ba labarik sira atu labele prejudika labarik sira nian saúde iha Sentru Saúde Vemasse.
- l) Rekomenda atu kria espasu ne'ebé adekuaudu no seguru atu bele arkivu dokumentu importante kliente sira nian hanesan *client status*.
- m) Veteranu sira rekomenda atu Ministériu Saúde kontrata fali *Dr Metan* tanba sira iha konfiansa.

- n) Rekomenda atu Ministériu Saúde tau iha planu atu harii tan Sentru no Postu Saúde iha Postu Administrativu-Quelicai, tanba iha ne'ebá iha suku 15 (sanulu resin-lima).
- o) Husu Ministériu Saúde atu koordena ho Serviço Água no Saneamentu atu rezolve iha tempu badak problema bee ne'ebé identifika iha HOREX tanba fó impaktu bo'ot tebes ba hospital rejional no paciente sira.
- p) Husu Ministériu Saúde atu koordena ho Ministériu Obras Públicas atu fornese asesu estrada ba Postu Saúde Laisorulai.

2. Autoridade Munisípiu Baucau

Husu atu halo konfirmasaun ho ministériu relevante, kona-ba lista ne'ebé submete ona atu halo pagamentu saláriu ba pessoal limpeza autoridade munisípiu, ne'ebé seidauk simu saláriu fulan abril, setembru, outubru no novembru.

3. Ministeriu Assuntu Kombatente Libertasaun Nasionál

- a) Rekomenda atu aselera prosesu rekolla heróis no mártires sira nian ruin ne'ebé seidauk hetan to'o agora.
- b) Rekomenda atu aselera konstrusaun monumentos no jardim heróis ba mártires libertasaun nasionál.
- c) Rekomenda atu harii edifisiu konsellu veteranu iha munisípiu 12 (sanulu resin-rua) no RAEOA.
- d) Husu atu Governu tau atensaun ba komandante barak ne'ebé partisipa iha luta ba libertasaun nasionál iha primeiru assaltu iha Lakudala- Quelicai, ne'ebé seidauk hetan atensaun adekuadu.
- e) Presiza atu apoiu transporte ambulánsia atu bele tula veteranu sira bainhira iha kondisaun moras.
- f) Relasiona ho konstrusaun uma ba veteranu dezmobilizadu 20-24 anos: rekomenda atu MACLN halo dialógu no konsultasaun ho veteranu sira kona-ba fatin ne'ebé sira hakarak atu harii uma.

VI. Aprovasaun Relatóriu

Relatóriu fiskalizaun ne'e hetan apresiasaun no aprovasaun iha loron 14 janeiru ho votus a favor 6, kontra 0 no abstensaun 2.

Relátora,

Prezidente Komisaun,

Helena Martins Belo

Noé da Silva Ximenes “Buka Tuir”